

臨江縣志

靜庵書端



臨江縣志卷之五

交通志

橋梁

渡口

航船

運輸

鐵路

汽車路

重要陸路

郵務

84430

3058

4939  
1015

臨江縣志

卷五 交通志 目錄

臨江縣志印刷所印



電話

電報

無線電信

電燈

交通志緒言

處海禁大開之世交通事業實爲當務之急試觀交通便利國家架橋  
梁於溝渠疏航路於江河開山鑿孔敷設軌道電報電話徧於全境故  
旅客往來貨物轉運消息傳遞朝發夕至國人實利賴之臨江僻在邊  
陲山嶺重疊河流最多設治又晚交通事業實非易事但以安圖濠江  
撫松均以臨江爲門戶對於水陸交通諸大端逐歲增修除鐵路外雖  
未完備以均具規模因志交通



# 橋梁

## 第一橋

五區林子頭鎮街中央有木橋一長十丈寬八尺兩旁架以木欄車馬通行清光緒三十四年長白府第一工程隊管帶李景明修臨通縣道時所建築後因木質腐敗民國九年由該鎮商農重修款式仍舊此橋爲嶺西諸橋中工程最大者故名蕩平嶺西第一橋

## 百步橋

蕩平嶺陰八里坡下有木橋一長百步寬八尺亦清光緒三十四年李景明所修該路中間低窪山水橫流爰在兩岸架大木數百株長百步故名上鋪沙礫水由下流至今猶昔五區境內著名橋也

龍蟠橋

縣城東門外二道溝河入江之口有弓形木橋一原曰臨東橋寬八尺長十三丈下有石柱三粘灰砌成上有六尺高木欄列於兩旁車馬通行民國十三年農商所修以在龍爪山下改名龍蟠橋

虎踞橋

縣城西門外頭道溝河入江之口有木橋一寬八尺長十六丈民國十三年農商自修車馬通行原名臨西橋康德元年冲毀秋十月重修長二十一丈寬一丈四尺橋上兩旁木欄三尺高以在臥虎山下改名虎踞橋費款八千餘元臨江鉅橋也

鎮南橋

縣城蠻子街西端南圍子北門外有木橋一曰鎮南橋寬八尺長二十丈民國十一年農商所修大同元年木朽重修款式仍舊可通車馬

青溝河木橋

八區珠寶村之青溝河有木橋一以木板連接而成長約十丈寬四尺許行人稱便

紅土崖河木橋

八區紅土崖接珠寶村道口有木橋一寬七尺長十五丈民國十二年農民自修爲八區各木橋之冠由大小青溝至紅土崖鎮必經之橋



大石棚河木橋

民國十三年修寬八尺長十三丈可行車馬爲林子頭至大石棚子必經之橋

泥鰍溝木橋

林子頭西北八里泥鰍溝有木橋一長三丈寬兩丈車馬通行民國十三年農民建築爲林子頭至三岔子必經之橋

珠寶溝木橋

八區珠寶村河有木橋一係木板連綴而成不能行車馬由村會派人管理之

傅家街木橋

七區傅家街村東有木橋一高四尺長七丈寬一丈車馬通行民國三年商民建修

### 渡口

本縣分爲鴨江渡口渾江渡口茲將其重要者列下

#### 鴨江渡口

一在一區貓耳山前當滿韓往來要衝每日渡者數百人由北岸南渡者乘滿船由南岸北渡者乘韓船是爲滿韓合辦之渡口

一在四區葦沙河鎮之南亦爲滿韓往來要津設渡船二隻其繁盛次於貓耳山前之渡口

一在四區石灰溝門有渡船一隻每日擺渡滿韓兩方行人並有警

務分駐所以資保全兼任檢查之責

一在三區六道溝門爲滿韓合辦之渡口韓岸當央歌汀之右韓人管理之我岸由村公會管理之

一在南圍子東南有渡船二三隻勞動者爲韓人專渡越境軍隊但臨江官憲亦可借渡

### 渾江渡口

一在六區八道江鎮之北爲該鎮商民赴江北必經要津每日往來者甚夥由村公會設渡船一隻僱人經理之

一在六區七道江鎮之西爲臨通往來必經渡口亦六七兩區交通要津由七道江村公會設渡船二隻僱專人經理之不收渡費行

人便之

一在七區六道江鎮之東地名彎彎江設渡船二隻亦爲臨通往來必經渡口其辦法與七道江渡口同

以上渡口與交通均有重要關係其他河流交叉又有可記載者亦夥列舉如下

三區六道溝河渡口 在六道溝鎮西北因河流湍急乃於石壁之上繫一鐵條舟子牽引上行約半里許始達彼岸至秋後舟子按戶收糧不收行人渡費

三區樺皮甸村渡口 在五道溝門設有獨木槽一隻爲渡五道溝河者必經之渡口

一二區螞蟻河渡口 在螞蟻河鎮之南爲該鎮商民必經之渡口由村公會經理之

五區城牆砬子渡口 在渾江上游爲往來孫家堡子與城牆砬子必經之渡口設有槽船一隻由村公會僱人經理之

六區河口鎮渡口 當紅土厓河入渾江之處爲往來臨通兩縣要津設有槽船二隻每日渡者數百人爲河流渡口最繁盛者

八區紅土厓河渡口 在紅土厓鎮之南設獨木槽一隻由村公會董其事

一區頭道溝河渡口 在青溝子門設有獨木槽一隻由村公會經理之

二區秋皮梗渡口 在龍爪山前水上警察局東設有獨木槽一隻  
由村公會管理之

### 航船

本縣航運有鴨江渾江之分渾江在本縣轄境內乃屬上游水流急  
淺大舟不能通行下航者惟裝六七十石之艚船與木筏而已上航  
者僅可達至通化縣城不能入境鴨江航運異常繁盛每年上下艚  
船達二千餘隻下運貨物以大豆豆餅爲大宗線蔴黃磨藥材次之  
上運以白麵火油爲大宗布疋次之倘水勢適宜下行者四日可至  
安東若上行風順二十餘日可至否則三十日四十日不等沿岸設  
有水陸警察以資保護本城設有航業會以董其事近年有日商經

營之小汽船三日一次上下均稱便利惟專載旅客不裝貨物

運輸

本縣運輸貨物分水路陸路二項水路既如上述陸路全恃馱子大車小推車扒犁汽車數種馱子上行往來於撫安濛長四縣之間下行者往來於安東營口通桓數縣之間每馱子駝二百餘觔每日僅行七八十里是運輸之最笨拙者大車僅為短途運輸出境者甚少如七套大車冬天能載六千觔夏天僅載三千餘觔使小推車者全係魯人僅在城市間運貨每車能載五六百觔耙犁為本縣之特種冬日地凍後一馬之力能運二千餘觔一牛之力能運三千餘觔每至冬令運木材及糧石者皆利用之然只限於冬日解凍後即無用

矣汽車路自康德元年十月修竣後本縣之運輸益發展矣嶺西之糧石易銷售矣

### 鐵路

五區三岔子原有輕便鐵路二條專運木材 一由轉角樓起經城牆砬子至小東岔溝掌止長七英哩 一由城牆砬子與上條鐵路銜接至雙岔頭止長五英哩半民國五年知縣潘毓岱由安東採木公司貸款十八萬九千零三十四元九角月息一分卽以該路爲抵押品官督民辦大同元年事變被匪軍拆毀康德元年經採木公司將道鐵運回由縣城東南五道溝老坡口起至後五道溝小西溝止重修輕便鐵路一條長四十五英哩亦爲專運木材之用



汽車路

本縣汽車路於民國二十年秋經奉天省測量局測量完竣定名爲山長汽車路西自臨通分界之五道江嶺起經六七八道諸江林子頭黑松溝椴包松嶺一區頭道溝直達縣城再循臨長縣道經二三區二三四五六七道溝門至臨長分界之八道溝門止共長三百六十里之建築費預計爲十九萬元自五道江嶺至八道江鎮九一八事變前已開工十餘日嗣因事變停止康德元年九月關治蹊徑崩山架梁鳩工二十餘萬築路計五條數千年之梗塞一變而爲坦途勝舉也事詳道路誌內

重要陸路

一區重要陸路有三 一由城西入頭道溝經三道羊岔新開嶺三  
隊達蕩平嶺長七十五里康德元年九月已修爲汽車路 一由  
頭道溝經三道羊岔七十二道河子及三隊達蕩平嶺長七十五  
里 一由頭道溝三道羊岔西行入太平溝經八里溝子老道槽  
子珍珠門達南老嶺頂長七十五里由縣城赴嶺西除此三條陸  
路外別無可通之路

一二區重要陸路有三 一由二道溝門經鬧枝溝至撫松交界老嶺  
止長七十五里康德元年九月已修爲汽車路爲臨撫必經之路  
一由二道溝門四人把起西北行經砬子台越黃家岡過五台

山出八寶溝卽至一區頭道溝之五道羊岔長三十里 一由二道溝油房後溝起入溝西行越花砬子過五台山後岡卽至一區頭道溝之三道羊岔長二十五里此兩條陸路二區至一區必經之要路

三區重要陸路有二 一由六道溝門經老虎洞溝新房子至臨長交界之八道溝長六十里 一由六道溝門經錯草頂子東八里坡小山後五道溝嘉魚河至臨撫交界之漫江長百里

四區重要陸路有三 一由錯草溝門經葦沙河大栗子溝門可至縣城長七十五里現已闢爲汽車路 一葦沙河北有天橋溝扼全區重要陸路之咽喉東通四方頂子經貓耳山前可至縣城南

達葦沙河鎮東北入青溝子出椴包松嶺由頭道溝至縣城西北  
經珍珠門過南老嶺入黑松溝可至林子頭鎮正西經大夾皮溝  
官才梁子可至紅土崖鎮大同元年臨江事變匪軍曾設防於天  
橋溝以斷各路交通該地之重要可知 四區至八區重要陸路  
由錯草溝門至大東岔過嶺即入八區境再西行即至珠寶村公  
所長約四十里此路爲四八兩區捷徑亦屬往來要路

五區重要陸路有二 一由蕩平嶺陰八里坡西行經高力溝子門  
林子頭至六區界金炕嶺長六十五里現已闢爲汜車路 一由  
城牆砬子沿渾江北行經頭道羊岔及土湖溝至磬兒嶺約四十  
里爲臨金濛三縣交界處東北可入濛江西北可入金川實三縣

交通要路

六區重要陸路有四 六區至五區之重要陸路由八道江湖渾江上行經城牆砬子至五區磬兒嶺爲臨金濛三縣交界長約七十五里 由八道江經金炕嶺至林子頭長四十里現已闢爲汽車路 六區至七區之重要陸路由八道江鎮順渾江左岸經七道江六道江過五道江嶺卽入通化境長約四十八里現已修爲汽車路 六區至八區之重要陸路由八道江鎮西行入大迪溝經八區紅土崖南過老嶺入輯安境長約四十里

七區重要陸路 由六道江鎮過南嶺經馬當溝米倉溝至八區紅

土崖鎮長三十里往來兩鎮之人除繞六區官道而行只此一路

可通且較官道近三分之一雖間有崎嶇難行處而行人均視爲重要陸路

八區重要陸路 由六合村至輯安三溝道長十五里削壁陡崖屏列左右中間一蠶叢鳥道僅可行人且上下別無他路可通實爲扼要之路

## 郵務

郵政局 縣城係二等郵局民國元年十一月創立局長一襄辦一信差二郵差十四村鎮郵寄代辦所五信櫃一信箱二每歲寄信約十萬件來信約十二萬件代遞約五萬件全年收入約五千元支出約四千五百元代滙代收約一萬二千元代兌代付約一

萬元

茲將歷任局長姓名列後

第一任王耀祖 第二任王中雋 第三任恩科

第四任孫文光 第五任田樹春 第六任佟世恒

第七任陳珍舫 第八任王補忱 第九任曹洪飛

第十任張玉凱 第十一任張克勤 第十二任邵雅堂

八道江鎮係三等郵局直隸奉天郵政管理局長一信差郵差各

一

電話

電話局

民國十二年士紳趙金山創立農商集股官督民辦擬

開辦費六萬元嗣僅集三萬六千元租房購料費七萬餘元虧數  
由地方繼續籌齊由縣城向各區分設之支線共長一千六百餘  
里總局初設中富街西端租民房八間事變後遷農會後院瓦房  
五間四鄉分局三

(甲) 八道江分局

(乙) 六道溝分局

(丙) 八道溝分局

通話幹線分爲五道如下

(一) 縣城至長白界八道溝

(二) 縣城至撫松界松樹鎮

(三)

縣城至通化達界五道江嶺

(四) 縣城至輯安達界錯草溝

(五) 縣城至金川達界大荒溝

支線分爲八道如下



(一) 八道江鎮經石人溝至林子頭

(二) 八道江鎮經孫家堡子

盧家堡子城牆砬子至濛江交界老爺嶺

(三) 八道江鎮經

紅土崖至輯安縣界三道溝

(四) 一區新陽村至珍珠門

(五)

二區三道溝門經大母猪溝至螞蟻河鎮

(六) 螞蟻河經南

岡村至王家店

(七) 三區六道溝鎮至錯草溝頂子

(八)

六道溝鎮至虎洞溝村

總計路線長一千六百餘里資本七萬餘元每年經費九千三百元話匣計八十八個每歲收入僅敷用而已

茲將歷任局長姓名列下

第一任趙金山 第二任韓明德 第三任鄭殿元

第四任韓明德 第五任王殿甲 第六任李松棟  
第七任張之言 第八任韓任清 第九任于濟川

### 電報

#### 電報局

清光緒三十四年奉天電報局派王憲祖至臨創設全年收入約七千元支出約九千元不敷之數由奉天總局補助自大同元年臨江事變歲收約四千元因人員減少支出約四千餘元出入相差無幾尙可維持現狀全境幹線有四列下

(一) 臨通線(臨江至通化)

(二) 臨長線(臨江至長白)

(三) 臨

輯線(臨江至輯安)

(四) 臨撫線(臨江至撫松)

全境路線

約九百六十里電杆約六千五百根

並將歷任局長姓名列後

第一任	王憲祖	第二任	李長貞	第三任	包立言
第四任	李長貞	第五任	朱耀	第六任	張忠信
第七任	張	第八任	賈效伯	第九任	陶
第十任	林	第十一任	于同基	第十二任	李長貞

無線電信

無線電信局 大同二年七月三十日成立附設縣公署內局長

一局員一隸屬於奉天省情報處九月一日改爲軍政部直轄全年通信聯絡經費現在支出三四百元通信範圍滿洲全國各地

電燈

滿洲電業股份有限公司安東支店臨江出張所 大同二年十

二月安東電業股份有限公司派員來臨接洽電燈事業康德元年五月呈准實業部在臨創立電燈營業所復派冠賡棠永尾初市等來臨着手設施經費十二萬七千一百五十餘元由安東公司支撥地址在臨江門外南圍子右側建房二十二間十一月底落成由瑞士購來一五零基羅瓦特重油發電機一部十二月一日滿洲電氣大合同公司成立故改臨江營業所爲安東支店臨江出張所派冠賡棠爲主任十二月二十日正式發光城內官署學校商民總計已設電燈四千九百餘盞衢巷路燈五百四十五盞每盞表燈租燈每月平均約一元

前清道光年間...

...

...

...

...

...

...

...

...

...

臨江縣志卷之六

人物志

名宦

薦紳

學位

義勇

孝友

節烈

義舉

文學

藝術

舞樂

韻賦

詩文

雜書

學堂

畫幅

名詞

人壽志

解江縣志卷之六

人物志緒言

嘗謂歷代史乘凡功名顯赫之偉人忠孝節義之奇士莫不總其生平  
詳其事蹟俾後之學者得於披覽之下追慕而師法之故人物志一編  
非特褒有功彰有德俾一代碩彥光垂奕世已也亦欲讀斯編者是則  
是效奏不世之功礪忠貞之節以步先哲之後塵耳臨境山川明媚毓  
秀鍾靈雖無驚天動地之偉奇而一言一行爲社會所矜式立德立功  
爲國家所褒揚者豈少也哉或文學高深或義勇性成或有功名教或  
熱心公益或權政柄於鄰省或任要職於桑梓聲名藉藉事業昭昭無  
以志之可乎他如節婦烈女孝子賢孫足以光閭里而礪末俗者尤宜  
備載而表彰之茲以採訪所得凡名實相符言行可爲坊表功德及於



社會者均載之於編使後之覽斯志者聞風而起則是編不爲虛設矣

志人物

# 名宦小引

吏治萬端政務紛繁時當晚近求其關心民瘼體貼民隱之縣宰實麟角鳳毛不可多得臨江設治雖晚主官幾二十任其中之政聲遠播德澤廣被善始克終者實亦弗尠不有紀載何以示後且恐代遠年湮人事代謝故老無存無憑考證俾勤政愛民以身許國之熱忱付之於無聲無聞誠憾事也茲特就功勳顯赫昭昭在人耳目者列於簡編可以繼往可以開來手此篇而閱者其知奧義深邃之所在焉因述名宦

鄭鴻勳 字佩之山西人清光緒三十三年以通化縣佐陞任臨江知縣賦性仁慈學問淵深到任一月伊始即請款創修衙署隨山刊木就地立窰磚瓦木材取之有所詎意佈置未畢卽奉令卸職所請公款化

銷已盡公又奉職清廉囊橐如洗臨江商民以公清廉情願助工捐錢襄成鉅工公憐臨民貧乏揮涕却之而復呈請上憲增款二千五百兩留子鄭玉暄監修次年秋始報竣公在任時以臨民失教野性不改按定星期公餘之暇到街市演說終日不倦臨江婦孺皆樂聽之公去臨時商民送程儀亦不受率僕徒行而去臨民至今惜之

張維周 字淑屏吉林長春人清季附生民國十七年三月到任其人  
才大心細勁氣內鍊辦理縣政異常認真雖在任不久政聲昭著民到  
於今稱之

劉維清 字紹先奉天省瀋陽縣人日本東京宏文學院畢業歷任國  
立瀋陽高等師範學校學監圖書館館長庶務課主任察哈爾集寧縣

稅捐總局局長奉天省清鄉總局專員教育廳秘書新民縣縣長等職  
大同元年七月奉檄署理臨江縣縣長接篆而後便以闡揚王道真諦  
爲主旨勤政愛民廉潔自持救濟災黎急籌賑會甄覈吏治微政必察  
賞罰分明不計親疏懲擾民兩總務科長違法兩管獄員貪婪者流概  
知斂跡吏治以清爲人莊重慈祥威而不猛靄如也憂民之憂樂民之  
樂清操惠政遐邇咸知溯公履新時城半圯墟街滿臭穢除友軍外幾  
絕人烟正刀匪熾盛時也攻城數次至急時友軍上村司令勤公渡江  
夜避公毅然曰奉命守土哲死不離復勸夜宿軍中以免意外公曰吾  
如怕死示弱不但商民回城無期即各機關長官回宿縣城亦無期也  
街市恢復終無望矣以是遂益見重於友軍其德政最著者係紀元八

月二十一日午後三時日軍確報城東二至八各道溝門刀匪肆逞城西頭道溝至錯草溝等六道溝門義勇軍嘯聚今晚定然攻城上村司令誓以重炮殲絕醜類盡焚民房匪卽絕跡公以各溝軍匪皆不足慮惟三道溝刀匪盤踞五六日矣若先勦除他匪自退但刀匪中不乏良善卽其首領亦屬知識簡單並無重大作用對之懷柔曉以大義不難改邪歸正若決加以武力使其心存危懼不敢與我接近則收拾善後必費時間且炮火無情一經轟擊玉石俱焚良民之生命廬舍無辜頓遭損失勢必挺而走險爲叛徒驅爵矣據此理由婉然陳情卒邀諒解是夜炮彈攻擊悉擲空地暗救無數生命保全無數民房刀匪六千誠服來歸嶺東以安十月中旬徐逆達三成擒黨徒萬餘概免誅連嶺西

亦安霖雨蒼生造福不淺四民感德有口皆碑癸酉春萬民恭獻衣傘  
旗匾楹聯者非偶然矣迄今三年玉壺冰心始終不渝公之廉明固屬  
根於天性而公之慈愛尤能感格人心倘得久宰斯邦則臨江定成無  
上樂土矣茲將匾聯文句列後

匾文

一慈愛廉明

一政通人和

聯文

接縣篆在變亂以後勤政睦隣廉明丕著共仰使君心似水  
維民計於灰燼之餘安良除暴恩威並施咸歌生佛德如山

薦紳

李樹勳

字蔭亭清附生縣城文成街人光緒四年曾任江蘇省蘇州

府巡檢十七年充吉林省營務處總理卸任來臨清光緒三十四年李公廷玉創辦第一小學校公襄勸學不遺餘力遂充該校學董至宣統元年學董之職取消又充城廂會議員本縣公益事多所倡興

翟兆祺

字壽山縣城興隆街人光緒三十二年曾充本縣警務總理宣統元年充縣城廂議會會長

張振邦

字仲元縣城六道街人曾充巡防營哨官後代理幫帶

呼天寶

字華亭縣四區葦沙河三道河子人清宣統年間曾充安撫

輯臨四縣總團練長

李安人

字靜軒一區頭道溝村人曾充營口水產高級中學校長奉

天航警處處員後以海軍少將充東北漁業保護局局長

經克詩

縣城文成街人曾充奉天高級審判廳書記官瞻榆縣清鄉

調查員

金玉聲

字振之縣城興隆街人民國十三年充東三省塩運使公署

秘書十五年春調委署理錦縣塩場知事十七年秋調委遼

源縣長

邵本良

字善如縣城興隆街人曾充山林隊長陸軍營長熱河陸軍

團長現充奉天警備軍混成第六旅第三團團長

韓永恩

字錫三縣城興隆街人曾充臨江警察隊隊長直魯聯軍團

長營口漁業局督察員



趙金山 字玉堂 縣城興華街人 清光緒末年歷充捕盜營外委預警

總長保衛團團總警察一區二區區官民國成立充保甲委

員兼保安隊長蒙警廳獎以二等三級獎章嗣因恢復撫松

縣城擊匪有功經內政部發給二等二級銀質獎章一等一

級金質獎章後充縣農會會長電話局長財務主任大同元

年充公款處主任地方治安維持會委員現任警察大隊長

黃宗炎

字漢傑 縣城中富街人 內務部警官學校奉天分校畢業歷

充本縣保甲所長撫松縣公安局長本縣財政局長

張景玉

字璞庵 縣城文成街人 奉天高等警官學校畢業歷充奉天

警務處督察員撫松縣公安局長本縣警察一區區官十六

年冬代理公安局長

張綸

字之言縣城中富街人歷充本縣商會會長當選省議會省議員縣農會會長全省農務總會評議員財政監察委員會主席地方治安維持會委員財務局長內務局長現任財務局長

李錫山

縣城中富街人清季宣統年間充山林游擊隊哨官民國七年兼充巡防營哨官

孫丕承

字繩武縣城文成街人奉天兩級師範本科畢業歷充本縣教育所長教育局長共八年蒙北京政府教育部獎給二等銀質獎章奉天教育廳獎給二等金質獎章

于維航 字濟川 縣城興華街人 自民國初年充一三四三區區官

孫培昌 字紀舞 六區八道江村人 曾充本縣師範講習所主任 八道

江稅捐分局主任 教育局教育委員 師中校 國史地教員 縣

視學 現充縣立師範中學校長

李兆豐 字潤東 一區頭道溝村人 曾充本縣勸學所長 東北漁業保

護局科長

林鴻飛 字羽豐 縣城文化街人 曾充教育局課長 教育公所事務員

現充教育股長

梁國楨 字幹忱 縣城興隆街人 光緒甲午年以保衛地方有功 清廷

加縣丞職銜 光緒三十二年充輯安縣勸學所總董 大同元

年被選爲縣農會長兼任地方治安維持會委員

連鳴九

字鶴亭縣城中富街人歷充本縣財政局課長內務局實業股長現任行政股長

韓明德

字潤卿縣城文成街人歷充臨江電話局長公款處主任現仍任電話局長

鄭殿元

字冠三七區六道江人清宣統元年在自治研究所畢業後被選爲地方收捐處總董民國三年奉上將軍兼省長張作霖委爲臨江縣預警總長民國四年秋預警改編充莊河縣警察一區區官民國五年充桓仁縣警察五區區官民國八年充臨江保甲甲長民國十五年充地力電話局局長

學位

李安人

一區頭道溝村人日本帝國大學水產系畢業得碩士學位

經克詩

縣城文成街人北京朝陽大學法科畢業法學士

王辰極

二區四道溝村人北京中國大學法科畢業法學士

劉德盛

縣城文成街人北京民國大學法科畢業法學士

金玉聲

縣城興隆街人北京中國大學法科畢業法學士

義勇

陳萬仁

字傑臣四區葦沙河東南上套人曾充統字營後營營長清

光緒二十四年以五百兵破匪首孫樓黃老總於撫松縣之

湯河迤東百里萬里河處升統字前營營長大破林七於臨

通門外水閘地方

王寶山

字雲亭四區葦沙河東北四道河子人曾充募字三營營長  
光緒二十八年禦匪首王老道於貓耳山下南圍子以三十  
七人擊匪一千五百人大破之追擊於二道溝斬首三百餘  
級居民至今稱之

莫如勤

字儉堂二道溝鬧枝溝門人曾充游擊隊長每出隊擊匪必

身先士卒誓以拚死匪銜恨已深民國十四年春夜被匪襲  
得之牽帶數日割兩腿臂肉殆盡罵匪不屈而死居民慟之  
警察五區區官民國十五年秋在大石礮子進剿誤中匪伏  
姚金閣  
該區官轉戰不却身殉而亡心肝四肢委於塗地死狀甚慘

邑中設追悼會官商士民莫不揮涕立碑於頭道溝門以表其義勇云

### 謝富貴

保甲一區區保長民國十四年在頭道溝四方頂子擊匪被傷忍創臥擊斃匪二人匪懼退兵負出因傷重而卒其勇壯不亞於羅羅山之攻九洲洲時故特誌之

### 李鳳鳴

二區鬧枝溝人充游擊隊分隊長稟賦勇猛嘗以肅請匪患爲己任故每聞匪警不計兵力多寡匪徒夥衆無不身先士卒猛勇前進是以勦擊胡匪無攻不取無戰不利大同二年十二月二十七日股匪仁義等幫率夥百餘名盤踞五區大葦塘溝等處該分隊長聞報卽隨同中隊長前往勦擊與匪

互戰三句半鍾見匪恃衆頑抗飭警猛攻格斃匪人三名傷匪十餘名並獲匪槍三枝及至匪人潰敗尤恐倖脫竟行獨身追擊至匪人迫近處復斃匪三名旋被匪流彈射中咽喉卽時殞命其義勇可以風矣

### 王海亭

一區四道羊岔人性情剛直有謀善戰民國十七八年間爲區保長每出擊匪概皆十斃八九故匪衆時指以宣誓輒曰倘有姦淫背誓者出門必遇王海亭其聲威勇略可以覘之矣大同元年充警察第三中隊長率警百名駐八道江鎮攝嶺西四區屢有斬獲賊匪聞風遠遁閭閻安謐商農歌功康德元年廖司令亦駐該鎮七月三日夜該中隊長帶警一名



抽查防務行至鎮外猝被暗殺年四十九歲奇勳不朽壯志  
遽泯官民念及無不哀惜焉

### 李德奎

一區頭道溝村人性剛勇歷充排連長九一八事變後萑苻  
遍地治安陷於混頓德奎以世居斯邦深抱國家興亡匹夫  
有責之志遂投效於本縣警察隊委以分隊長率警剿匪歷  
劇烈戰無不勝利屢建奇功得提升中隊副康德元年五月  
間隨同警務指導官青木治作搜剿賊匪抵八道江鎮匪首  
青林幫百餘名窩聚大通溝一帶該中隊副立督官警往剿  
至大泉眼地方與匪相遇當卽督警猛擊身先士卒不避矢  
石斃匪三名匪潰逃於督警追擊時被暗匪射中三彈是時

雖不能動轉猶厲聲督戰以振警氣又傷匪數名迨匪逃去警負中途竟以傷重殞命吁可惜矣

### 沈增經

二區三道溝裏黑瞎子溝人性忠烈大同元年十一月間充警察第三中隊第三分隊長率長警三十名駐八區紅土崖該處接近通輯兩縣素稱賊匪出沒之區該分隊長駐守斯境凡股匪被擊潰散及格斃匪人不可勝數居民得安口碑載途康德元年四月間匪首紅軍數百名入六七區境內肆行滋擾該分隊長聞訊當即督隊前往協剿行抵七區何瞎子溝地方與匪接仗歷七時之久紅軍恃衆頑抗警隊子彈均行告罄以致被匪包圍該分隊長飲彈殞命忠勇堪欽是

可傳矣

以上九人皆有事實可考故詳記之餘如見義勇爲捨生殺賊列芳名於忠勇詞者尙有保安第一大隊第一中隊長程德勝陸軍連附王國相等百二十餘名以時過事湮無從考証謹略誌之以垂永久

孝友

羅煥增 現年五十九歲山東福山縣木工也家貧父早亡民國元年

奉母來臨寄居八區紅土崖鎮以母故不能遠離乃於該鎮

設木肆焉母于氏八十一歲雙目失明煥增百方醫治無效

每飯必先哺母母飽後方自食母便弱左右扶持如保嬰兒

苟污母衣必洗濯潔淨二十餘年如一日毫無倦容鄰佑勸

其娶一孀婦爲宗祧計且分奉母之勞伊以孀婦改嫁多不  
賢婉言謝絕母於大同二年終如羅某者其孝行可以風矣

趙金山  
現年五十五歲縣城興華街人性至孝歷充社會要職以幼  
年離母數年爲憾公餘歸家必先至母室問安將舉所事詳  
悉稟告且能養志默窺母所欲必如願以償之倘母因家事  
違意形容不懽必察明所因溫言悅色以解之俾懽笑如常  
而後止民國八年東邊鎮守使湯玉麟來臨奇金山爲人委  
以營長之職乃以母年已高不忍遠離堅辭較之絕裾而去  
者何啻霄壤

孫不承

現年三十六歲縣城文成街人性友愛昆弟三人君最幼父

沒後凡持身接物惟兄命是聽當任教育局長時每退食兄未食不肯先食或得甘旨除奉母外必以奉兄未嘗私自入口或有小過兄雖嚴詞斥責必和顏領受自云知所過矣必改之次兄業農恒以已逸兄勞不安於心故事之尤謹如孫君者友愛可以風矣

節烈

賢淑附

林王氏

年二十一歲八道江商人王會良之季女性烈而賢年十七于歸同村林春泰爲室翁姑早沒逾年生一女家境清貧衣食不給氏每日佐夫操作雖日食藜藿而愛情彌篤大同二年春三月夫春泰一病不起氏則求醫問卜焚香祝天願以

身代無如病入膏肓竟於斯月十四日辭世氏呼天搶地誓  
以身殉其母知之朝夕防範溫言勸解不意於斯月十八日  
乘間仰藥以殉康德元年春縣長劉維清爲氏呈請褒揚十  
一月頒發獎狀一紙銀盾一座如該氏者其烈性蓋天成也

趙王氏

賢淑

山東莒縣趙可素君之賢配邑紳趙金山之慈母也

氏

二十六夫亡遺二子一女俱幼家境困難夏則率子農作冬  
則晝夜紡績賴以餬口長子金山年十六遠出謀食遼瀋又  
二年家益困窘氏携次子幼女乞食至山城鎮彼時金山已  
投戍駐貓耳山南圍子氏百計探得而寄信焉金山遂掛號  
北上母子覲面數日力遣回營臨行訓之曰兵乃國之保障

既履身戎行當以報國保民爲重立功顯名後相見有日兒  
必勉之金山敬聽母訓急歸營未幾禦巨匪王老道於南圍  
子匪以千五百人環攻金山以三十七人奮勇擊退之追至  
二道溝掌大破之斬首三百餘級金山以戰功授捕盜營外  
委次年接母來臨母以勤儉治家非有慶弔冬不衣裘夏不  
衣名葛待下無厲色無惡聲鄰里多效之金山之功在社會  
聞鄰封者慈訓力也民國十四年春知縣俞榮慶爲氏呈請  
旌獎十六年春莫省長頒來閩闔懿型四字匾文一方並銀  
質獎章一座氏現年八十四歲猶強健異常

## 王張氏

賢孝

山東平度縣後移岫岩孤山鎮張君本成之長女也二

十一歲嫁王君鳳閣爲室姑柳氏早卒繼姑田氏以中年再  
醮曾不問家事翁文福端嚴厲色輒呼婦小字氏溫婉勤劬  
能得阿翁懽家非素封衣食尙可自給無何翁病體胖轉側  
須人每食麵肉各斤餘皆婦持箸餉翁翁始得下咽翁便溺  
亦婦執器而扶持之偶汚婦衣必隱蔽急出洗濯之恐翁見  
而慚恨也枕衾衣褲更換解脫拂動甚微每有呼喚隨聲而  
至昏夜亦無待二呼如此三年雖外事亦惟婦是賴時鳳閣  
年已弱冠嬉戲佻猶如童子翁之繼室虛設而已一切勤  
勞翁不之需姑亦不之顧也翁病革乃會諸親鄰指鳳閣而  
託婦曰吾兒玩穉不能處家事凡事可告吾兒而婦自爲之



倘有困難懇請諸高鄰憐其孝而救助之吾目瞑矣言訖而  
歿氏經理喪事井井有條事夫無過失生二子一女鳳閣又  
中道而別氏教子訓女皆成立家亦漸裕今年逾半百鄰里  
稱之其賢孝處皆翁易簣時自述之也時在官初來臨邑熟聞  
之前已代傳登諸志稿惜已焚燬今補錄之以無沒該氏之  
賢孝云

### 董金氏

原籍安東縣人年十九于歸同村董悅盛爲室光緒二十六  
年夫病故遺一子方週歲一女三歲氏年二十有三貧居自  
守宣統三年携子女乞討來臨租居八道江鎮彼時子已十  
三爲人牧畜氏則朝夕紡織刻苦自勵子漸長教之務農家

境稍裕十餘年來女已出嫁子亦成室有孫三長孫年十一  
在小學讀書氏現年五十八歲洵稱節而賢者

### 義舉小引

世移事異今古懸殊舞弊行私人情偷薄所謂義舉求諸通都大邑禮  
義素著之邦往往罕見而鮮聞况吾臨江地處邊陲五方雜集安望有  
向義之人乃近數年來竟有仗義疏財慷慨捐輸熱心義舉者或施學  
田以培養人才或施義地以葬埋暴骨或捐廉以建修校舍或解囊而  
資助公家諸如此類數見弗尠倘不歷與實叙逐條記載後之蘊懷義  
舉者將何以資向義之旗鼓以作其勇爲之銳氣乎茲編所載純係熱  
心義舉其事實信而足徵者表而出之以期傳之久遠而爲後來者勸

也

趙金山

字玉堂縣城興華街人慷慨好義本縣設治以來凡學校救濟院道德會種種慈善機關之成立多賴此君提倡並捐助之力民十三年秋饑饉次年春禁止紅糧出境君憂民戶乏食以自己所有房產地照作押請知縣俞榮慶向省政府貸款十萬元並派員赴安東買糧六千石泛舟運臨接濟民食人民得無大困十七年春大旱民憂乏食君又將私人房契地照出作抵押爲巨商富民之先導請知縣張維周向省政府貸款百萬以六十萬作兵餉輕民担負四十萬濟困乏民免飢寒即此二端已足見趙君之見義勇爲功德無量也他

如民十捐款一千元購置縣立二校地十三年捐款八百元  
清理縣農會房舍貸款利息又助現洋一千五百元建築教  
養工廠大同二年捐助道德會國幣百元縣公署建築費五  
百元慈善會房舍三間並資助貧民無告者不可勝舉云

### 魯盛發

字善堂臨民皆以魯善人稱之好施與樂推解凡老幼無依  
一至其門必設法成全償其所願細心慰貼無微不至嗣見  
街市乞食者日多自慚小惠難遍乃倡設救濟院自捐現洋  
一千六百元請縣長除城西隅之公有隙地建築瓦房十間  
聚邑中之老邁殘疾而無告者養於院內衣食周備自充義  
務院長迄今四年如一日他如助東公所修築現洋一千二

百元安東佛壽宮現洋六百元東北大學海城莊河及本縣  
三校一校四校新民校與幼雅園等修築計現洋一千零二  
十元以及修縣署及各廟宇與各省賑災無不盡力捐助義  
舉可風矣

王鳳閣

字景岐性慈善民國十三年知縣俞榮慶奉令建設教養工  
廠苦無的款君以慈善機關慨然捐現大洋一千元以作基  
金他如救濟院各學校之捐助每恐落後筆難枚舉如王君  
之好義可以傳矣

吳子香

性慷慨凡慈善事業莫不竭力提倡民國十七年春大旱首  
議捐款捐糧爲衆善士倡災民賴以生活者甚多十八年成

立新民學校捐銀四百兩大同二年縣署建築捐國幣二百元他如貧而無告者無不盡力資助縣民至今稱之

郝端先

字敬堂本縣耆老也清末隨防軍統領左寶貴來臨殺賊設防民衆賴之嗣後棄武開荒專辦慈善事業今年近古稀猶提倡道德身任道德會長並捐私人之升科地百餘畝以作該會經費地方有爭者每勸止之貧人有婚葬者每資助之編輯問其所行慈善事翁掀髯笑曰此細事何足掛齒終不肯言其立品之高曠若此

侯占魁

字執中原籍興京仗義疎財以名醫而行慈善事業自開設

保生醫院以來每年施種牛痘皆免費凡給貧人療病概不

取資歷年治療因公負傷之警甲兵士八十餘名均係義務  
民國十六年九月蒙奉天警務處頒給樂善好施匾額一方  
十七年九月經警甲所長蘇國寶委爲臨江警甲所義務醫  
官十八年六月蒙遼寧省政府頒給警察獎章一座大同元  
年六月臨江事變沿街作戰商民負傷者衆遂與天主堂神  
父及商人胡子謙貧民劉景福等組織臨時救濟紅十字會  
藥有天主堂供給會員均係義務職嗣因種種關係會務停  
頓侯君獨自維持以私款供給會費由大同元年六月至大  
同二年九月共治斷臂折股破頭洞胸之男女重傷一百餘  
名如侯君者其義舉可以風矣

王永喜

本縣之俠士也見人有急難無論親疎莫不竭力救護又好施與民國十八年成立新民學校捐銀四百兩其熱心好義有如此者

鄒永清

林子頭街人當清季臨江初設學校君年過花甲毅然捐熟地一段助校長崔文會建立校舍又捐私有已開之地以作學田以此該校籌有的款

楊德祥

字潤堂第八區紅土崖人民國十五年捐雙頂子岡頂自有地兩天設分駐所以保護該區至三道溝之大道商民來往賴以安全成立本街小學校君充學董學生有穎秀而貧乏者每資助之無使失學以此成全之學生至今德之



戰世奎

字相臣得勝街人民國十二年充二校學董七月捐自己街基兩號值現洋二百五十元以作校址八月補助建築費現洋二百八十元該校成立後將私立小學呈請改爲市區二校故縣立第二高小學校皆該學董提倡力也

王鳳藻

原籍鳳城縣人現開商店於本城之中富街素秉熱誠經財好義凡慈善事業多賴提倡如賑災修橋建學舍莫不傾囊相助他如提倡幼稚園王君首捐巨款竭力進行造福於一般兒童亦義舉也

徐鴻梅

原籍山東臨沂縣人喜交遊好義舉於本縣公益事皆努力提倡今春道德會之成立得徐君之助力最多並捐巨款以

爲衆善士倡尤能憐惜貧人每於大雪之日見人有不能舉火者必濟以柴米故貧人多樂稱之

吳業發

字福堂賦性慷慨第八區紅土崖人目覩流氓之死而無葬者慨然捐私有二道紅土子溝門地兩天以作義田今已棺排遍地義舉也

趙錫恩

字雨亭住一區頭道溝村貓山南麓賦性慈善民國初年捐私有坐落臨城西山地一段作爲義田亦義舉也

文學

文懷亮

字經酉原籍湖南寧鄉人清末廩生湖南優級師範畢業臨江蠻子街人文學精邃爲臨江開文化之先尤長於記體文

字受業諸生得其一鱗一爪亦足自豪訓諸生先器識而後  
文藝臨江高級生皆出其門

王士珍

字席華原籍河北省薊縣清末附生熙城興華街人民國十  
二年春應俞榮慶知縣之聘充縣署秘書嗣兼師範國文教  
授文字古雅經史宏博有心得尤長於文牘民國十五年四  
月卒葬於後山至今每歲四時祭期諸生猶祭奠焉

畢贊可

字襄廷原籍山東文登人臨城興華街人學有根柢文字典  
雅經學尤長惟性傲不輕下筆偶有撰述亦不肯輕以示人  
故無從覓其遺稿

邱在官

字移山號雪岩原籍山東諸城現居縣屬八區紅土崖先充

四校校長民國十五年充師範國文教員學問淵博文字暢達於詩賦尤擅特長惟性傲不少屈節在臨學界十七年桃李滿庭至十九年因病辭職賦閒家居在邑垣時凡酬世之詩聯多出其手受業諸生尤津津樂道之今以編修縣志奉命力疾來臨尤見其年老心壯勇於作爲

曲 銘

字新三號松庵清末附生原籍山東牟平縣人學問淵深文字古樸詩詞亦頗擅長在桓仁學界二十年撰述頗多民國十五年秋應師中聘來臨充國文教授門下諸生畢業者二百餘人下筆多有可觀

丁錫書

字文卿魯省諸城之宿儒也縣西六區八道江人現任臨江

第二初中國文教授平生多所撰述即遊戲文字莫不精工  
惟不自珍貴隨作隨棄殊爲可惜

王儒誠

字精一原籍安東縣臨江縣城中富術人現任女子師範國  
文正教文學富麗典雅長於駢體於語言詩文尤有心得著  
有樂歌選粹論理概要諸書行世聞君年近三十始研究文  
學設非才力兼到曷克臻此

郭殿翰

字維周縣城興華街人學有所宗文字古奧詩詞歌賦無不  
精通著有案頭間墨一書行世劉鐵冷先生評選全國文海  
文庫兩書中此君文章甚多臨江社會應酬文字多出其手

藝術

經國章

原籍瀋陽人心思靈巧來臨二十餘年凡補眼鑲牙照像雕刻諸藝無不精妙於木工鐵工亦擅特長現年近花甲猶開鑲牙館於本城之文成街營業異常發達誠多藝人也

劉振泰

字劍濤本縣師講畢業生也繪事擅長所繪花草妙筆天然於人物畫尤惟肖惟妙每一脫稿栩栩欲生人爭寶之劉君年甫弱冠苟加以深造之功定成一圖畫專家

